

մեանս : Քանզի եղիա Եպիսկոպոս՝ որ Փոխանորդ էր Աթոռոյն , պատճառ եղեւ մեծաւ մասամբ տպտամբութեան քաղաքացի այլազգեաց և տիրելոյ ամրոցին , և 'ի գուշակել իւրում թէ՝ գան հասանեն զօրք 'ի Տէրութենէ 'ի վերայ քաղաքին , ելից երկիրդիւ զօիրտ Կարապետ Եպիսկոպոսի և խորհրդական գրագիր Յակոբ վարդապետի և առաքեաց զնոսա 'ի Բեթղէհէմ (Հոկտեմբեր) որպէս գրեցաք 'ի վեր , և ինքն սկսաւ մարտնչիլ ընդ Լուսարար Մկրտիչ Եպիսկոպոսի , կամ բանալ զգանձարան եկեղեցւոյն և տալ ինքեան որ ինչ 'ի նմա ոսկի և արծաթ , զի տացէ պահանջողաց , և կամ ելեալ գնացեն 'ի Բեթղէհէմ տպատանիլ անդ ընդ տպտամբ գիւղականս , ապա թէ ոչ՝ մատնեմ ասէ զքեզ յայտնապէս պարտատեարց և բռնաւորաց , թէ 'ի ձեռս սորա են բազմագումար գանձք ոսկւոյ և արծաթոյ և ականց պատուականաց՝ զորս թագուցեալ ոչ տայ : Անճարացեալ Մերունոյն յակամայ կամ ընկերացաւ նմա և գնացին 'ի Բեթղէհէմ : Զմիւռնացի Յարութիւն վարդապետն թաքեաւ 'ի վանս Յունաց ամիսս 2 . Զանդրցի թարգման Յակոբ , Արեւելցի Գէորգ , Երկար Կարապետ , Բարդուղիմէոս և Միքայէլ վարդապետք փախեան 'ի Ռէմէ և 'ի Յոպպէ , զորոց գրէր Եղիա առ ազգայինս Կոստանդինուպօլսոյ իբր ստահակս և արտաքսեալս 'ի վանաց , և մնացեալքն անօրինակ անկարգութեամբ վարէին՝ լեալ առւերն մէն մի իշխող հասարակաց :

Քաղաքապետն որ նոր հասեալ էր յերուսաղէմ 'ի Կոստանդինուպօլսոյ՝ գրեաց հրամանագիր եւ առաքեաց 'ի ձեռն սնտաւորին իւրոյ առ Փոխանորդն Եղիա՝ զի եկեսցէ յԱթոռն , և նորա առեալ զգիրն պատառեաց առաջի գրաբերին , և բաղում հայհոյութեամբ դարձոյց զնա յետն . դարձեալ գրեաց առ նա Դպրապետ դատարանի , զի եկեսցէ՝ ապա թէ ոչ՝ 'ի վախճանի չարագոյն եւս լինի . իսկ նա նոյն օրինակ անարգութեամբ դարձոյց զսպասաւոր նորին : Ի վերայ այսորիկ ժողովեալ պարտատեարց գիմեցին 'ի դատարան , և իւրաքանչիւր ոք բողոք բարձեալ դոչէր՝ թէ միաբանք Հայոց առին զայսքան դրամս մեր , այժմ գլխաւորք նոցին փախուցեալ են 'ի քաղաքէս և զտոկոսիս դրամոց մերոց ոչ հատուցանեն , կամ առեալ 'ի նոցանէ